

## **OPTUŽNICA KT-396/07 PROTIV MARTIĆ DOBRIVOJA**

Sarajevo, 24.10.2007. godine

Na osnovu člana 35. stav 1. i 2. tačke g) i h), u vezi sa članom 334. ZKP-a BiH podignuta je:

### **OPTUŽNICA**

#### **PROTIV:**

Martić Dobrivoja, zvan „Bobo“, sin Mila i majke Dobranke, rođene Malešević, rođen 12.10.1982. godine, u Drnišu, Republika Hrvatska, po zanimanju automehaničar, zaposlen u vlastitom obrtu za izvođenje zemljanih radova „Tigarcop“, po nacionalnosti Srbin, državljanin Republike Hrvatske, stalno nastanjen u mjestu Miočić, općina Drniš, R. Hrvatska, nalazi se u pritvoru,

#### **ŠTO JE:**

Dana 28.09.2007. godine u 20,15 sati preko državne granice između Republike Crne Gore i Bosne i Hercegovine na područje općine Bileća – granični prelaz Deleuša, prenio 13 paketa četvrtastog oblika sačinjenih od žutih PVC vrećica oblijepljenih smeđom ljepljivom trakom sa sadržajem opojne droge „Marihuane“, koja u sebi sadrži psihotropnu supstancu tetrahidrokanabinol (THC) karakterističnu za biljnu vrstu Cannabis sativa L. i koje se nalaze na popisu opojnih droga, psihotropnih tvari, biljaka iz kojih se može dobiti opojna droga i prekursora Zakona o sprečavanju i suzbijanju zloupotrebe opojnih droga („Službeni glasnik BiH“ broj 08/06), u ukupnoj količini od 13 kg i 223 gr, i čiji promet je članom 19. ovog Zakona zabranjen, i to tako što je ovu opojnu drogu prilikom ulaska u Bosnu i Hercegovinu motornim vozilom marke BMW tip 316, reg. br. ŠI 717 BU, vlasništvo Martić Stevana, sakrio u prostoru ispod etisona prtljažnika i rezervne gume koju je postavio vertikalno, u čemu je otkriven od strane ovlaštenih osoba granične policije i carinarnice na graničnom prelazu Deleuša, općina Bileća.

Dakle, neovlašteno izvršio međunarodni prenos supstanci koje su propisom proglašene opojnim drogama.

**Čime je počinio krivično djelo neovlašteni promet opojnim drogama iz člana 195. stav 1. KZ BiH.**